

桂平縣志卷五十五

紀文

詩錄一

氣候山川關隘之詩

潯州行部詩

曹亨

冬來行部駕輶車一日之間氣候殊朝服駝裘暮揮扇未應  
嵐瘴得全無

立春日至潯州見桃花

潘立恩

去春燕地猶冰雪今日潯江已見桃物候獨嗟中土異天涯  
那惜此身勞風吹紅雨沾行蓋路入芳叢映客袍更喜羣生  
逢道泰不妨人事日蕭騷

桂平縣志卷五十五

紀文 詩錄一

粵東編譯公司承印

桂平縣署正月蓮花詩

清詩 正月而有蓮花 因於氣候故錄入本卷

楊大濱

鬱鬱思陵山黔鬱盤其坡瓣瓣青芙蓉屏障開嵯峩要郡依  
山麓城堞聯中阿布山漢舊縣首善無風波拙性少所宜嬾  
慢恒嘲呵駕言宦百粵政牘勤摩挲炎方三冬花往往繁枝  
柯及茲斗柄東時節三陽和銀花與火樹關靡誇其多數弓  
正月望池面吹紋羅何圖亭亭蕊三五遮青荷荷花對初日  
疑醉朱顏酡豈煩事雕飾招我搖輕舸我特不染心未敢趨  
炎過陽回萬物新生意當如何母乃天有示道長除偏頗殷  
勤報君子徒倚亭西沱惠而能好我投贈陳高歌

潯陽雜詠

六首之四

宋秉聰



團扇輕搖白袷衣竹牕鎮日適相宜無端一夜瀟瀟雨溽暑  
還如朔雪時

烟雨濛濛障碧虛米家圖畫恐難知須臾雨散山谷霽一幅  
溪雲自卷舒

一春能得幾時晴屐齒苔痕滿戶庭正喜山邊浮日影忽聞  
牕外走雷霆

草本薰蒸瘴氣多黃梅過去又新禾行人莫道清秋爽一路  
黃茅奈爾何

西山詩

張佳胤

雨後春明野望開族旗同上最高臺千山指點華夷界二水

桂平縣志卷五

紀文 詩錄一

二

粵東編譯公司承印

遙從左右來戰伐當年俱寇壘太平今日共尊壘流連豈是  
耽幽壑懷古應憐制粵才

前題

范 柳

琳宇岿峽郡郭西何緣飛蓋躡丹梯風傳天籟松濤遠烟鎖  
江城樹色齊一雨乍看勤耒耜四郊猶喜靜鯨鯢勝遊取次  
同顏謝好把山靈細品題

前題

王宏授

憑闌喜共老僧閒指點峰峰列翠環幾處晚雲歸亂鳥一鞭  
驕馬夕陽山

與達端甫總戎楊碧山觀察遊思陵

情 詩

篤 魏



鬱鬱西山何雄壯橫嶺側峰盡東向山靈依依欲親人笑我  
陸栗無善狀潯陽半載守土官獲兩益友皆直諒脫巾疑來  
阮步兵嫉俗未免心怏怏唱籌檀相再世逢朗我玉山情頗  
暢自忖東魯一陋儒迂拘獨味山水况三人位置本難同局  
外品題皆皮相信有神靈導我前要期職守無坐曠携妓登  
山誤蒼生羞談名流病狂蕩我輩乘暇著芒屨不約而同形  
骸忘會有人緣合天緣賓主無分瑜與亮一路山樵不識官  
沙岡代掃忠臣墳前守劉太僕殉難後葬野老至今猶吞聲  
益令過客重惆悵松蔭數里庇行人雜以花鳥添儀仗芝蓋  
齊雲飛岩腰千古神峙屹無恙整襟來謁明遠公靈護一郡

桂平縣志卷五

紀文 詩錄一

三

粵東編譯公司承印

生氣旺當年不掛西臺冠獲與廓李相頡頏制猛伏虎歸巷  
議大有主張清烟瘴左通一境若旋螺十步一坐五步望下  
寺上寺疑飛來特爲山勢作跌宕小憩靖虛忙院僧綠愷未  
泛茶烟漾禁體不道禪家言壁題洗石眞豪放同治初張公榮組營西山

增修各廟  
多有題詠

秋九月遊思陵山

用謝康樂登石門最高頂觀清峙

胡南藩

南方氣候燠炎赫懷幽棲秋飈送餘熱波立掀長溪攬轡城  
西門徑躡西山基瓣瓣青芙蓉掃盡浮雲迷昔賢高吏隱洞  
口留微蹊形藏事怪誕廟古神鴉啼聖朝重生聚老幼相提  
攜美種見嘉穀豈等稂與莠我圖潤經術一一親安排登高



望烟火富教良階梯

用元兪括遊南山韻

清詩

胡幾

雙澗束峰尖天風吹自南趨庭來嶺嶠望眼入烟龕苔竇拋  
珠顆雲旗護玉簪海天州九九蔬圃徑三三吏隱形疑幻仙  
翁跡可探無心尋古蹟隨手摘餘甘坐就岩前觀行宜郡主  
菴洞開留石乳花發見優曇江水浮深綠天光染蔚藍晨昏  
違子舍楚客自多慚

雨足田疇早禾已穫登西山遠眺

阿琳

西郊山寺倚雲斜暇日登臨望眼賒萬壑樹深環一廓兩江  
水碧帶千家雨濡青畝村村足稻穫紅蓮處處嘉夙駕未須

桂平縣志卷五五

紀文 詩錄一

四

粵東編譯公司承印

追往事已將豐稔卜年華

思陵懷古

張江

勝概潯陽獨此山憑高極目緩躋攀烟村萬里青天外城郭  
千家碧水間古徑風來秋已老仙岩雲去月初還空餘眼底  
清泉在洗石年年點翠顏

遊西山

袁珏

山路紆斜遠數重入門搓眼記遊踪泉含樓影分高下雨濕  
岩花認淡濃半嶺鶴飛前代樹一聲風送夕陽鐘林深僧去  
人無跡石壁題詩倚古松

掃葉烹茶品乳泉箇中風味少塵緣雲根雨過泠泠響石罅



藤生曲曲穿春草江環雙水鏡綠楊城鎖萬家烟停杯細把  
流光憶屈指初遊十五年

思陵山

陳桂洲

思陵峰聳瞰潯陽青把雙江接混茫吏隱洞空人已去乳泉  
流出水猶香崖懸烟裏花爲徑亭倚雲中石作房遊展邀朋  
騶從屏山靈應不笑塵忙

西山

李彥章

西岩六月買松風避暑寒亭四覽通難得蘇程千里會恰如  
稽阮七賢同細評泉味茶初熟雜聽鄉談酒不空添補曹胡  
遊記後幾人親串聚山中

桂平縣志卷五

紀文 詩錄一

五

粵東編譯公司承印

離筵風笛肯相留妙有名山袖裏收平地清涼能極樂仙人  
吏洞况同遊環城如畫雙流合小雨成陰萬木秋還與題襟  
期後約胸中二十四江樓

按此擬作二水匯二十四江樓以覽其勝

思陵山四首

余思詔

十里春山五里橋松風一閣話清寮舉頭天宇臨空淨極目  
關河入望遙大嶂遠分雙塔雨孤城獨鎖兩江潮誰將形勝  
兼名勝寫入風詩付短謠

桂海名山幾處經勝遊今又說思陵乳泉活水呪龍鉢落葉  
秋風望雁亭人面果甘椰酒綠佛頭峯小石樓青欲尋窈窕  
神仙宅岩戶況況晝自扃



江山蒼茫入高歌懷古登臨意若何  
藤峽瘴開遺故壘鼓灘沙落有沉戈  
鬱江東下聲猶壯銅柱南標跡未磨  
留與能詩黃魯直徧題佳句滿岩阿

黃雲涓前有  
壁題詩極佳

頻年塵鞅誤微官入世方知吏隱難  
舊雨幸逢今日至好山權當故園看  
無心雲作乘時雨不繫舟行上瀨灘  
郡主祠前奠杯酒濟人何處有神丹

九月登思陵山夜宿龍華寺

黃體正

回首山光四十年一筇雙屐景依然  
松身落落健如我眼界空空觀向天  
舊好凋零城郭在老夫倔强姓名傳  
何須更化遼東鶴已是人間散誕仙

桂平縣志卷五五

紀文 詩錄一

六

粵東編譯公司承印

莽莽重山古戰場狼奔豕突擾岩疆  
妖藤蟻渡一江水飛礮巢傾入寨岡

用韓文公平  
藤峽搖事

世代遷移歸感慨東南風景接蒼

茫時平此地容高嘯萬壑秋聲送夕陽

訪得岩棲御史來猿踪鶴跡遍蒼苔  
浮雲弄影紛紛過野菊含花寂寂開  
安遠聲名消柳溥

明安遠侯柳溥  
藤峽搖建牙山麓

遺祠烟月

弔劉臺

山西祀唐御史李明遠  
城祀明御史劉臺

都應探入名山記誰是高登

作賦才

蒲團清夜坐深更虛殿光然古佛燈  
救苦昔傳丹桂籍度人今少白頭僧  
三千界上空如此八百聲中醒未曾  
明日長歌下山去碧雲紅樹一層層



由邕凱旋登山遣興

張凱崧

戈船東下笋輿西留取飛鴻踏雪泥千里逢迎都有數小詩  
揮洒本無題樓臺日暖輝旌旆郡邑風清靜鼓鞀聞道捷書  
朝暮至壺觴裙屐共招携

雙江縈拂水如環近郭端宜著此山泉石通靈諸佛笑弓刀  
罷戰五兵閒偶停籌筆舒吟興靜聽歌鏡破醉顏危坐妙虛  
樓上望萬家憂樂繫胸間

西山詠

歐陽達

雨不沾衣暑不侵凌風直上碧山岑尋幽半是騎驢客縱日  
還同望雁心一片飛雲過嶺嶠數聲清磬出松陰能詩賴有

青蓮輩尽向層巒僻處吟

同前題

鄭暹

峻嶒山勢拱溔疆圖畫天然列上方望裏雲霞村樹合靜中  
魚磬梵音長雙江白浪迷春色一逕蒼松帶夕陽聞說當年  
仙吏隱至今青史姓名芳

暮春遊思陵卽景

林鳳鳴

葱蘢山色接城西茗椀詩瓢許暫携苔徑雨沾遊屐翠雲蘿  
陰合乳鶯啼數聲梵唄穿林杪滿眼風光入杖藜最好紅塵  
都截斷寺前一水鎖青溪

寒山露浥透禪局爽氣新澆翡翠屏樹色遙連松頂綠嵐光



低襯屐痕青曉煙野鳥眠初起出岫癡雲睡未醒二十年來  
情似昨梵鐘敲處落殘星

又同弟湘浦晚登思陵山詩

秋日思陵山卽事

譚熙齡

思陵晴翠繞江城曉策藜筇爽氣迎汲井泉清能見性棲林  
鳥異不知名花拈一笑塵心醒葉落三秋石骨撐莫向西風  
更惆悵樵歌雲裏聽忘情

秋日遊西山寺

俞然

秋老山逾秀深林葉未乾水光青到眼雲影白依巒鳥語風  
中脆詩腸酒後寬層城還極目黔鬱滙江湍

和史沁崖秋日遊西山寺

清詩

俞垕

桂平縣志卷五五

紀文詩錄一

八

粵東編譯公司承印

連鑣尋勝果策馬興堪乘竹日清無暑山雲深幾層年光留  
淨土世界屬閒僧色相空何著秋光綴石藤

西山詠

劉光美

古寺懸丹嶂層雲繞梵宮澗飛千尺練崖列萬株松猿嘯峰  
頭月樵歌午後風更堪憑吊處吏隱覓仙踪

同前題

黃體誠

五里城西寺浮嵐積翠間路盤幽壑樹亭倚夕陽山吏隱空  
遺跡姚翁去不還有誰能說法門外石頭頑

同前題

林若逋

崇山宵無際登頓息層陰松影連天翠雲光壓寺深暝鐘沉



絕壑清梵下遙岑坐久忽忘夕歸途月滿林

西山曉

賴德榮

曉光開萬里山色有無邊月落鷄聲碎村迷樹影連微風三  
徑竹流水一溪煙何處樵蘇子林西枕石眠

白石山詩

葉賀源

雲梯連石磴香樹鎖松關林壑疑無路神仙別有山

遊白石詩

張志道

山似遊龍勢欲奔山中有路透天閣峯巒長帶烟霞色洞穴  
渾無斧鑿痕

同前題

楊子春

曉輦沉瀝夕殫霞更挽天漿曠月華日午道人猶未起香風  
吹老古松花

同前題

林捷

自得登高趣難爲世上傳望遙山作浪行久袖生煙竹引青  
龍過花邀白鶴眠何勞丹竈熱軒豁即真仙

同前題

江南傑

孤峯出鳥外縹緲畫中傳地迴遙分粵溪流半入川雲凝連  
積翠樹老帶疏煙一徑看山色西來別有天

同前題

龍國祿

矗立雙峰勢欲騰斗杓南指白雲層幽岩宵靄穿勾漏磴道



嵯峩掛碧藤琪樹銜花巢野鶴丹砂煉影駐山僧放參跌坐  
長松下柯爛渾忘代幾興

同前題

楊大節

乘輿磨崖十八年漫將名姓立岩前山靈自有生花筆倩我  
狂書塞洞天

同前題

張岳

夢裏似曾踏翠寒萬山洞壑石林攢寧知夏冷冬溫地祇在  
藤梢棘刺間陰火瓊膏烹日月長空簫管待虬鸞道人不是  
避秦客慢憶桃花回首看

同前題

傅輝文

桂平縣志卷五

紀文 詩錄一

十一

粵東編譯公司承印

石峰晴起擁雙鬢雲際參差不可攀地闢靈源稱洞府天留  
圖畫出名山仙翁一去無消息野鶴孤飛自往還惟有丹砂  
岩下水時時流出向人間

同前題

鄭邏

曲折盤紆鐘地脉千尋崩剌闢雲門瓊芝繞澗棲元鶴怪石  
參天嘯白猿丹灶塵封勾漏去危樓鐘動玉泉噴何時携酒  
幽岩畔得與高僧細品論

同前題

俞望

孤巒峯嶺聳晴空靈竇斜穿奪化工古碣短苔餘淺碧斷碑  
殘蘚蝕微紅燒丹灶冷三秋月漱玉泉寒五夜風最愛會仙



岩畔石探奇曾訪葛仙翁

同前題

胡南藩

雙峯轟轟接容山中有仙人日往還寺影半沉紅葉外鐘聲  
多在白雲間層崖月浸龍湫冷古洞風迴鶴羽間願借神泉  
千萬疊化爲甘露酒塵寰

又白石山雲

前名

朝雲白石留暮雲白石住葛李携雲還山根互吞吐

白石山聽泉

情詩

曹兆麒

仙岩幾度叶笙簧幽響淨琮到上方風度層巒吹古調月窺  
岩穴鎖新涼泠泠曲奏疑歌羽滴滴聲傳欲引商應是山靈

桂平縣志卷五五

紀文 詩錄一

一一 粵東編譯公司承印

唱和好餘音清徹步虛堂

重遊白石山

譚鳳書

久別瑤簪不計年層雲轟轟起晴烟捫蘿直上三千界蠟屐  
重登廿四天舒卷畫圖歸眼底色空蒼落樽前名山剩有知  
交在嘯傲林邱侶散神仙

白石山

黃體正

行遍山村十里遙扶筇得得到山腰回頭畧把峰巒數都作  
郡候各等朝

踏上青霄第一峯山花空際放芙蓉升天不信無階級透出  
風雲數十重



登臨未歷泰山高到此襟懷已足豪  
葛令不來丹灶冷茫茫  
今古歎塵勞

名山何事落偏隅搔首峰頭問碧虛  
我欲乘風跨黃鶴日邊  
高捧玉清書

同前題

鄔相

洞天傳白石遙睇一開顏元鶴飛何處  
高樓山外山

同前題

無名氏

祥雲矗矗玉峯高  
瑤草香煙醉碧桃  
聲斷鐵簫歸鶴馭長風  
空壑鎖松濤

羅業山

陳中

桂平縣志卷五五

紀文 詩錄一

一一

粵東編譯公司承印

矗矗山光映團團樹影重  
斷猿啼午夜孤鶴唳秋風

同前題

王清

鑿破金鼇背虛明一竅通  
洞天塵世外樓閣畫圖中  
水冷猿啼夜山空鶴唳風  
間來足觴詠不必嘆窮途

同前題

馬文祥

暇日尋幽景岩深別有天  
龍湫清徹底月窟暗中穿  
白蝠棲崖邃青羊倒樹懸  
二程經歷後勝概至今傳  
千里欲窮目捫蘿躡峻巔  
陰岩常積雪虛壑自通天

丹灶間瑤草蒼崖溜玉泉  
醉題磨蘚壁詩思入幽玄

同前題

楊濂



岩壑陰陰鎖薜蘿洞門偏有月明多  
光生寶殿搖金碧影落寒潭印碧波  
孤鶴夢迴棲不定羣鴉驚起去還過  
行當携手山亭上坐對嬋娟問若何

同前題

鄭暹

捫蘿欲訪前賢跡間理三生石上  
咲紗紗香煙涇衣履層層薜荔  
冑樓臺天開小徑仙難覓月照靈  
岩客未來誰肯夜深臨絕壁細探  
幽趣入山隈

同前題

胡南藩

丹崖隱隱洞門開一片清光入洞  
來古竇凌空搖玉宇澄波萬道浴  
瓊臺眼前色相終非也此外形骸  
亦幻哉擬駕星槎

桂平縣志卷五

紀文 詩錄一

一三

粵東編譯公司承印

詢月姊僊岩圓缺幾回來

羅叢即事

李彬

陽溽盡地一山青上有丹岩虛且  
靈羅列奇峰名百粵叢枝自老還  
自英紗籠拂袖會行樂入社携樽  
幾醉醒未能免俗歌九日尙祈讀  
書希二程可惜劫灰翻地連夜燃  
燐火曉猿驚惟有岩泉不變守山  
高水長時清寧而今風月新爲主  
石羊先夜報山靈山靈作色從炳  
蔚僻塢芝蘭也作馨

羅叢岩 清詩

黃晨

窮隆之石高何補名賢一駐名千  
古借問何景駐賢踪中有淵泉留  
月普初入洞中洞深黑石漏天光  
含月魄滅炬凝眸



月漸明澄澄一水全生白歸得月兮淨如練月因水含光漱  
澹琤琮逸響又何音滴洒源泉水珠濺靜裏見聞無障礙暗  
地光明不蒙晦何必千潭印遍來濂洛心源此中在

同前題

譚熙齡

扶輿磅礴鬱奇石光怪陸離幻青碧樵夫牧豎那得知天遣  
名賢留勝跡

二程夫子昔南遊愛煞羅叢景最幽兄弟棠棣詩一卷堦  
雅曲相唱酬

朝夕編摩共風雨主敬存誠各千古安排經笥筆牀在石室  
天然結構毋

桂平縣志卷五五

紀文 詩錄一

一四

粵東編譯公司承印

同前題

彭倚華

二程留舊址猶道讀書巖此日羅叢月還疑照石函

同前題

譚本立

峭壁層巒籠瑞烟滿巖皎潔印冰蟾遊人俯仰頻相望疑是  
巖中別有天

紫荆山秋興

胡仲康

錦囊秋興入清宵印亦何心念市朝江月乍移煙瑣瑣山風  
長送木蕭蕭干戈氣壯龍蛇混禾稼功成鹿豕驕滿目悲涼  
雲外改幽人秋思復迢遙

龍岩山詩

曾國光



秋霜纔數日策杖上仙宮石古生飛虎岩虛隱老龍瘦花依  
徑老醉葉掃階紅笑引同遊者雲深沒屐蹤

同前題

吳志綰

一品通黜室空濶古仙宮樹老棲威鳳潭清制毒龍亭亭懸  
筍碧隱隱漏陽紅歸去芒屨濕漫留酒墨踪

獨秀山

蒙甲椿

奇峰突兀絕塵緣落落孤芳石亦然峭壁凌空冲北斗晴嵐  
矗立耀南天高瞻萬仞摩秋月俯壓羣巒鎖暮煙鶴嘯都應  
霄漢近夢遊狂羨五雲邊

同前題

譚熙齡

桂平縣志卷五五

紀文 詩錄一

一五

粵東編譯公司承印

桂林有獨秀碧樂孤峰懸潯州有獨秀巨擘擎雲煙造物生  
兩雄不使並爭妍一入闌闔裏一走荒徼邊任爾獨擅奇光  
怪燭南天培塿衆山小安敢仰齊肩我喜振衣上逍遙翠微  
巔月明吹玉笛相挹閔苑仙

斷藤峽

柯疆

萬里長江浪噴雪高崗急峽江聲咽嶙峋亂石梗中流老幹  
長藤稱險絕鳥道羊腸通虎窟千峰萬峰如戟列當年小醜  
勢何雄豕突狼奔一朝滅我來憑眺懷昔賢水碧山蒼風露  
潔月滿寒村鷄犬靜雲鋪綠野桑麻徹文成襄毅偉男兒萬  
古功勳常烈烈



斷藤峽即事

劉修禹

露布當年走碧驄將軍威鎮百蠻中幾番帷幄籌全策萬里  
檣帆信永通山縣有花皆向日峒原無草不移風但教五嶺  
消邊瘴嫌與雲臺較畫工

斷藤峽

張文嵐

昨上碧灘頭十里經茲峽懷古斷藤人蒙鼓銷金甲

吏隱洞

張榮組

好讀南華第一篇功成面壁石能穿焚餘諫草曾迴日養到  
靈根不計年豎起眉峰存正史放平心地卽神仙我來滿地  
披荆棘爲訪源頭汲乳泉

桂平縣志卷五

紀文 詩錄一

一六

粵東編譯公司承印

煉丹灶

譚熙齡

偶讀叅同契高舉思度世結廬在靈元水火坎離濟金丹煉  
一身內視著眞偈胡爲葛仙翁人間學校猶丹灶冷却灰摩  
挲落薛荔靄靄出雲烟奇香沾縞袂歎息丹砂盡何處得妙  
劑學仙苦難成敢說伯陽繼不如飲美酒一醉敵千歲

同前題

蒙甲椿

烟火人間一劍收丹鑪恰合置山邱金沙果歷千年劫玉液  
將從九轉流朱鶴固應階下避白雲無恙洞前留葛仙漫作  
空庖笑薄宦原爲冷灶求

爲洪求爲  
句漏令

仙人棋

前名



爛柯亭上訪仙回

洞名 會仙

同玩殘棋洞不開多少雲車隨石化

一般香象渡河來壺天韻事尋芳草勝地間枰認綠苔終古

輸贏誰了了爭先一著局中猜

爛柯亭見宋吳曾能改齋漫錄

面壁僧

前名

少林遺跡白班班面壁維摩萬慮刪為愛烟霞游世外豈貪  
風月向人間忙宜住脚休塵醉喚不回頭怪石頑試問幾生  
修到此袈裟涼露滿青山

泊舟左江有懷

張岳

雉堞岩岩俯碧潯天涯此路接鷄林地非中土衣冠並氣壓  
南方歲月深尊俎空憐麾羽扇溪山何處聽樵音儻借插翮

桂平縣志卷五

紀文 詩錄一

一七

粵東編譯公司承印

飛蓬島願學燒丹變紫金

黔江

甘振

晚風吹渡祖生舟意氣終當肅九秋黃帽刺船驚水俯錦袍  
腰箭落旄頭斷藤峽破詩留石細柳軍回劍倚樓西望不堪  
成激烈兩江橫截似襟喉

大黃江口

錢薇

溜江溜急於箭風高浪泊天簾開山入座雲暝雨隨舷椎髻  
蠻堪駭侏僂語孰傳回看津渡吏候瞬息過前川

乳泉

陸燦

間情挂笏縱幽探步向西山寺以南山竅天開丁讓五泉根



地伏寶嬴三清粘滴雨聲微咽靜歛青峰影倒涵我本澹然  
心似水一杯試飲不爲貪

舊讀茶經仔細參泉香似乳品須諳源疑玉女峰頭落味得  
金莖露意酣釀酒應知杯益壽灌園還卜草宜男流膏一脉  
無窮養分徧江城赤子甘

南津

林鳳鳴

更寂倚南樓樓簾愜幽廻夜涼水氣清櫓響空江靜月色半  
啣山何人掉孤艇

同前題

龍國祿

剝木爲舟鬱水濱武陵清唱四時春朝朝負米聽鷄客處處

桂平縣志卷五

紀文 詩錄一

一八

粵東編譯公司承印

停鞭飲馬人烟雨不辭歸路滑晚風吹徹趁墟塵濯纓向晚  
孤舟酒明月誰知再問津

同前題

傅輝文

西竺寺前斜日落南津郭外暮潮生城頭戍鼓支殘漏渡口  
孤舟棹月明帆影晚隨烟樹碧江波寒到驛流清秋風一夜  
蘆花發多少離人動客情

同前題

唐聲振

郡城南下大江濱沆瀣清流景色新雙槳亂翻歸洞客一舟  
輕放問津人微波色淡浮孤鶩晴漲寒多躍錦鱗欸乃數聲  
殘照裏權歌低倡玉樓春



同前題

陳元士

南樓近瞰鬱江城夜半江頭古渡橫  
槎客疑從雲漢落鮫師  
間試粵波平稀星明月雙橈緩  
細雨淒風一楫輕借問漁人  
何處去問津留得權歌聲

銅鼓灘

錢薇

路出清潯銅鼓灘天風吹棹度狂瀾  
高江神禹應難鑿古郡  
秦皇未許官椎髻語言殊不白  
花枝濃淡自含丹欲知同軌  
稱王會隨處夷歌漢罔寬

同前題

龍國祿

噴峽轟雷破浪開觀濤疑自廣陵來  
微茫乍拂嵇生韻颯沓

桂平縣志卷五五

紀文 詩錄一

一九

粵東編譯公司承印

翻驚宋玉才織女秋砧嗟遠道  
征人夜泊黯幽懷滄桑起伏  
原非偶神物誰將見碧苔

同前題

吳志綰

潯陽煙雨春江發冲湧灘頭勢勃窣  
舟人云此名銅鼓擊棹  
掀挖問毫髮昔候伏波征交趾  
鑄兩鼓兮警西粵博局其面  
坐墩形束腰虛腹蟾組凸軍門  
一震蠻夷服物換星移已滅  
沒詎擬神靈早呵護蠟殼綠沈  
苔蘚滑忽然風浪漲江中電  
閃雷轟雙飛越獻之廟堂彰瑞  
應到今波若征人伐我聞此  
語動咨嗟聲教遠播日月帽  
猺獠喁化狼煙靜抱鼓不鳴  
無猖獗久安保泰警無虞荒  
檄寶琛貢魏闕



銅鼓灘歌

城北銅鼓灘水勢洶湧於古雍益亢厲牛皮

因先與總戎瑞甫君達三遺舟師防守自是估客無戒

志心賦此

伏虎將軍冒雨來

端甫為灣協有虎踞東門以炮斃之

權留小憩且啣杯悲憫

不慣談風月痛道時勢亦壯哉推窗欲挹西山爽入耳突鳴

萬壑雷崩聞邊庭馬嘶驕雜以亂箭射江湖不是當年屯戰

壘胡為如斯紛喧囂招問老吏偏能解灘聲隱與鼓聲調拍

岸驚濤江東流沙高水急盪行舟椒房近戚來何暮

伏波將軍

物母乃待其儔預料銅柱分茅立銅鼓一躍名千秋曾傳九

鼎淪泗上此地法物殊情狀邑博指畫晰毫釐

注云禮星使樂

桂平縣志卷五

紀文 詩錄一

二十

粵東編譯公司承印

公示不安

樂明盛

嚙浪衝破千百年絕少缺窳渾無恙不有神

靈常呵護徑圓孰知叶律度紋縷蟾蜍繡難成疑為化工神

鼓鑄層擊止止面夔夔三搥七敲尋旨趣論經千百罕定評

博古如聆雅頌聲一置觀風配韶鐸

觀風樓

一呈太學光殿楹

銅鼓不入靈臺奏石鼓但繼鼉鳴此物瑞應出奏漢升沉大

半附江岸掘得白石浪沙埋撈自灘底漁網斷古器縱橫今

渺茫空餘灘聲響暮日誰知光怪靈更靈兩番明滅走電霆

精氣不死音宛在譬猶明德歷世馨君不見拋家商賈駕殘

艣舟覆囊沉御冤苦將母此鼓肆躍鳴抑或體缺難為主公

曰否否有灘神故逞怒浪乞明禳禍福本來由自招古器何



與券富貴况際往過客失利滂滂常經報險頻安排水師防  
灘頭怒濤聲裏鬼啾啾正如情急呼將伯鼓聲亦似代爲籌  
果然設防歷旬日有驚無失拜神庥惟公聞之撫掌笑蘇韓  
兩歌能仿照淵淵別饒將帥思諸葛來粵無明詔

粵西亦傳有諸葛銅鼓

不若編入詩囊中醉望江樓招同調

### 銅鼓灘

傅輝文

黔鬱東歸日夜流水奔沙退石如鈎當年漢將遺征鼓此日  
孤城傍斗牛雷浪拍翻遙岸雨海風吹起一天秋月明灘下  
濤聲急猶有漁舟唱莫愁

### 同前題

李如旻

## 桂平縣志卷五五

紀文 詩錄一

二二

粵東編譯公司承印

吾聞伏波舟載駱越兩銅鼓飛鳴躍入八桂之江湍人遂以  
銅鼓名其灘風雨時時聞鼓聲之聲江中謹明季漁人網罟  
不能舉呼集衆力出狂瀾

### 同前題

胡南藩

昔年銅鼓曾飛去此日濤聲雜鼓聲新息從來餘戰具馮夷  
莫浪逐浮名雷霆怒激鼉龍吼風雨狂呼估客驚我欲鏟平  
溪路險石岩犖确一舟橫

### 同前題

唐廷獻

漢將勳名徧遠郊獨拋征鼓壓驚潮灘含晚色鳴沙尾水在  
秋聲漱石腰雪浪翻風沉雁字銀波流月展龍綃若教飄入



歐陽耳應錯呼童視斗杓

同前題

清詩

周紹祖

嗟峩怪石鎖江隈漢將南征此地回  
鞞鼓千年餘勝迹武溪一曲想風裁  
天清塔影凌空壯日落濤聲動地來  
猶有伏波祠屋在寒鴉古木長莓苔

同前題

譚熙齡

潯江江水落桃花漲起灘聲如鼓搗  
驪龍波底睡不穩怒翻風雨肆爪牙  
幾家涎婦夜狂呼急撐小艇藏菰蒲  
到曉灘聲猶未止老漁相笑汝何愚  
相傳銅鼓駱越器新息征蠻俘獲  
武功誌舟過潯陽河伯驚突起江中  
奪其二昔有干將莫邪

桂平縣志卷五五

紀文 詩錄一

一一一

粵東編譯公司承印

躍入水不謂此鼓相失更靈異灘石粼粼  
灘水流蘆花瑟瑟雲悠悠神物秘藏天地  
意非時不出苦冥摻逮我聖朝文教敷  
四海梯航貢琛著遠猷灘邊舉網得其一  
獻之廟堂遂與石鼓不朽各千秋嗟嗟  
凡物升沉皆有數我銅感知遇上灘  
下灘帆來去一抹斜陽挂江樹

同前題

鍾奎光

銅鼓千年殺氣銷南征交趾記前朝  
波翻古渡沉戈甲夜靜孤城傍斗杓  
烽火已平藤峽瘴關山重鎖柳江潮  
月明灘畔天如水臥聽漁歌隔岸遙

同前題

鄭暹



遊水潺潺繞郡流伏波征鼓昔曾留濤鳴沙尾秋風壯月滿  
灘頭宿雨收八桂烟嵐孤客夢兩江燈火一漁舟年來薄宦  
堪乘興懷古思鄉起暮愁

同前題

劉修禹

畫角聲方息銅鉦竟未休濤寒喧夜雨月冷咽清秋鵝鶴排  
沙嘴鯨鯢駭浪頭至今江上客風穩一帆舟

同前題

胡南藩

銅鼓何年鑄曾聞躍此灘漁人招不得神物出應難

過南湖

李六龍

晚步層城外霞光接水光冷烟南浦起惆悵一亭荒

桂平縣志卷五五

紀文 詩錄一

一三二

粵東編譯公司承印

南湖櫂歌

張昌蕃

儂住南江郎北江遊湖艇子一雙雙金蓮並蒂開無數爲聽  
蠻歌樣樣腔

一灣一曲綠萍鋪蕩槳時時混釣徒湖上烟波儂不管長竿  
郎自拂珊瑚

西靖關佛子隘

吳志綰

潯郡多天險逼仄佛子江山窮水盡處一夫守難當金牌爲  
右臂峭立萬丈強木吼左亭亭呼吸達帝鄉磴道千層峻弧  
背曲相將烟坪號楓木中凹若弓張下臨清潭水羣雁都涿  
洋人面起羣山艮路經細長所幸聖化洽政教肅猛狼奇險



若平坦南關通津梁廟堂時努力民生樂徜徉

閱鎮峽堡次韓襄毅韻詩

陳宗夔

前七十年藤峽剿韓公之功真絕少後七十年弩灘平蔡公之功亦非小灘連峽險反側多倏忽黎民倏夷獠攻城却寨寡寧日老稚晨昏不相保憶從憲廟初登年蠻獠稱兵正雲擾韓公被命震天下力抵浮言決征討文臣武將一時聚整堂堂復強矯層嶙已見應機開雙髻從來乘虛擣須臾列盜盡俘滅萬姓稽呼角崩倒雷轟決裂破昏晦雨溢淋漓沃焦槁平開戍壘江流通兔窟鯨波靜如埽丁男始出抱犂鋤婦子纔嬉懷乳保自復韓公奏凱還營壘又見生秋草碧灘

灘寇復猖獗據險負固稱天造籌邊念切司馬憂分兵亟上潯陽道一朝夷寇復殲決撫散餘徒橐弓早戍樓重立鎮江郭郭外新民漸馴擾若教防禦盡如今百粵封疆百年好吁嗟乎韓公往矣蔡公歸西土歌思思未了巡行愧乏靖邊猷仲紙裁詩慙二老